

**Ọkwukwo izi Pọlu  
gbaznennu  
Ele Efesọsi**

**Nhne gbasiri ọkwukwo izi ka**

Nụ Ọkwukwo izi Pọlu gbaznennu ele Efesọsi, ọ naakanụ ọgbako Chiokike nhne gbasiri olile anya be nwernu. Risi ikwu-ọnu Pọlu bụ nụ Karaịsi nwurnu ẹnwu n'olu ọgba ma ọ znohia aị hite nụ mmehie. Kọvu nụ Chiokike mernu o hi n'ẹnwu lizo, ọ daziri ẹli n'akarikwnunga Chiokike n'oligwe, hne ọ zi neechi ọwa. Ọ jeechi masi ọwa ke vazne nụ ruwhnu.

Karaịsi mernu ele Ju nụ ele buo ele Ju buru otu, kwnornu nụ ọ kwnadnarnu mkpọ irno ke kewaru be (2:14). Ka neegesi nụ Chiokike jeehite n'Enine a mee mkpoma ele Karaịsi buru otu, mee be ziri n'udno n'esilawuru be, (4:3), ma ele Karaịsi buru otu. Ka bụ nhne zi mkpa n'ọkwukwo izi, ka mernu Pọlu gbaru a k'agida neegesi nụ ọ buru oma ma ele Karaịsi ziri n'otu. A nwernu otu Nyenwe aị, ọkwnata mkpoma aị bụ otu, ọwuwu mini aị bụ otu, ke neeme ele Karaịsi ghọ otu anọ-ehni.

**Nhne zi n'ọkwukwo izi ka**

Obekwu ikwu (1:1-2)

Karaịsi nụ ọgbako a (1:3---3:21)

Budnu ikne hite nụ Karaịsi (4:1---6:20)

Ibekwu ipne-aznụ (6:21-24)

*Obekwu ikwu*

<sup>1</sup> Mawa, Pọlu, nye izi Karaịsi Jizōsi hite n'echiche Chiokike, naagbaznenu ele Chiokike ke zị n'Efesōsi ọkwukwo, ele kwnagwụ mkpọma nụ Karaịsi Jizōsi.

<sup>2</sup> Oru nụ udno ke hi n'aka Chiokike Nda aị nụ Nyenwe aị Jizōsi Karaịsi dazịnu anụ.

*Ngọzi ke enine*

<sup>3</sup> A nọtunu Chiokike nụ Nda Nyenwe aị Jizōsi Karaịsi mmamma, nye jiri kpakara ngọzi ke oligwe kesị aị n'enine nụ rime Karaịsi.

<sup>4</sup> Chiokike beru ọsno hōrukwo aị ma a bụru ele ke a kwnornu Karaịsi, sụ ọ kpuru ọwa, ma a bụru ele zị nsọ, ele nwée ọru nụ ruwhnu a kwnornu ọwhnun'anya a.

<sup>5</sup> O beru ọsno hōru aị, o kwubnanya aị lele rụmu a hite nụ Jizōsi Karaịsi lele kpa o jiri masị a.

<sup>6</sup> Ngwa ma a ja Chiokike kwnornu agịda oru a ke o nyernu aị etekne hite nụ Nnwọ a ọ whnurnu n'anya.

<sup>7</sup> Chiokike gbaharu aị hite n'ọvnarna Karaịsi wụsiri, nụ ọ gbarụ mmehie aị kwnornu n'oru a zị agịda,

<sup>8</sup> bụ ke o nyernu aị n'ọkwnamarna, ya nụ akoniche nụ ọghohia a.

<sup>9</sup> Chiokike mernu a mahia nhne miri emi ke echiche a lele kpa o jiri masị a hite nụ Karaịsi. O marnụ mmụma

<sup>10</sup> o mezu echiche a ka nga ige a dūru. Ka bụ ma o gwebnanya kpakara nhne zị n'oligwe n'ọwa n'otu nụ mkpururu risi Karaịsi.

<sup>11</sup> Chiokike hōrukwo aị ma a bụru ele ke a nụ rime Karaịsi, hne o beru ọsno kpebi kpakara nhne lele kpa echiche a jiri zị.

12 Chiokike mernu ka ma a znarni a kwnornu igwugwu a. A bu ele mbom neele anya Karaisi.

13 Anu bu masi ele Karaisi nga anu nurnu ezi oka wam, ke bu izi oma ke oznohia anu. Anu kweru nhne anu nurnu, Chiokike hniasiri anu iri Enine Nso nu anu bu ke a lele kpa o kweru mkwna.

14 Enine Nso wam zi nu rime ai, a maam nu Chiokike jeenyeri ai kpakara nhne buru oma nga Chiokike jaagbahiakwo ele ke a. N'ige wam, a jaaznarni Chiokike kwnornu igwugwu a.

### *Okpukpe Polu*

15 Kam kpayaru, nga me nurnu nhne gbasiri okwnata mkpoma anu nu Nyenwe ai Jizosi, ya nu owhnun'anya anu nwernu hne rumu Chiokike zi,

16 m gwepugam aka nu o tunu Chiokike mmamma nu risi anu. M zi m neekpenu anu okpukpe kpakara ige.

17 M naariasno Chiokike ke Nyenwe ai Jizosi Karaisi, Nda ke igwugwu, o mee anu nwehia enine akoniche, kpumenu anu ehni a ma anu mahia a nkari nkari.

18 M norio masi ma Chiokike kpume anya ke ovu anu, ma anu ghohia olile anya o nyernu ele o sukwuru, nu ekwnu ngozi zi igwugwu o kweru ele ke a nu mkwna.

19 M norio masi ma anu mahia iknernema a ke nwée atụ bu ke o nyernu ai ele kweru nu Karaisi. O bu okne iknernema ka

20 ke Chiokike jiri mee Karaisi hi n'enuwulizo, mee o daziri eli n'akarikwnunga Chiokike n'oligwe,

21 hne kakwo kpakara ochichi nu rikne nu iknernema nu ele nwe. Rwhna a kakwo kpakara

nhne ke nwernu r̄whna, ọ b̄uọ n'ige ka kp̄oi, k̄ovu n'ige ke jaava.

<sup>22</sup> Chiokike b̄itaru kpakara nhne n̄u mkpururu ọchi Karāisi, mee a ọ b̄uru risi kpakara nhne ma ọgbako Chiokike naah̄ia nḡozi.

<sup>23</sup> Ọgbako Chiokike b̄u ẹhni Karāisi, Karāisi jih̄iaru n'ogbako Chiokike. Karāisi b̄u nye mezuru kpakara nhne n'apna ọbula.

## 2

### *Hite n'enwu bna n̄u b̄udnu*

<sup>1</sup> N̄u mb̄om, an̄u n̄u lele ele nw̄urnu ọnwu, ele be kewamarn̄u hne Chiokike z̄i kwnornu n̄u an̄u bn̄one ns̄n̄i, mee nhne ojo.

<sup>2</sup> N'ige wam an̄u wuru b̄udnu ojo lele ele z̄i n'owa. An̄u snornu badn̄u ojo wam ke n̄echi kpakara r̄enwu ojo n'owa. Setani b̄u r̄enwu ojo wam ke n̄oornu ẹrnu n̄u mkp̄oma ele z̄a noobnonu Chiokike ns̄n̄i k̄itna.

<sup>3</sup> Kpakara āi wuru b̄udnu n'esilaw̄uru be n'ige wheru ewhe lele kpa nhne n̄ogw̄nu an̄o-ẹhni āi. A snornu ele berere mezu nhne echiche ojo āi pioru, kam kpayar̄u, a b̄uru ele ke ovu owe ẹhni Chiokike dnakwas̄iri.

<sup>4</sup> K̄ovu Chiokike b̄u nye obirizi k'aḡida. Ọwhnun'anya a z̄i aḡida hne a z̄i.

<sup>5</sup> Ọ b̄u n'ezi n̄u a b̄u ele nw̄urnu ọnwu n̄u rime mmeh̄ie, k̄ovu Chiokike mernu āi n̄u Karāisi z̄iri b̄udnu nga o mernu Karāisi hi n'enwu liz̄o. Chiokike zn̄ohiaru an̄u kwnornu n̄u oru a.

<sup>6</sup> Chiokike mernu a snornu Karāisi hi n'enwu liz̄o. O mee āi n̄u Karāisi Jiz̄osi daz̄iri ẹli n̄u hne kakwo n'oligwe.

<sup>7</sup> Chiokike mernu ka ma kpakara ele badnu mahia n'ige vazne nu ruwhnu ekwnu ke oru a ke nwée atụ ke o jiri ovu oma a gesi aị nu rime Karaịsi Jizọsi.

<sup>8</sup> Kwnornu nu Chiokike jiri oru a znohia anụ hite n'okwnata mkpoma nu Karaịsi. O bụo kwnornu nhne obula ke anụ mernu. Oznohia anụ bụ nkesi hi n'aka Chiokike.

<sup>9</sup> O bụo ernalu oma obula anụ rnuru, o zá nye ji a mee oknomokno.

<sup>10</sup> A bụ ernalu aka Chiokike. O kpuru aị ma aị nu Karaịsi Jizọsi ziri n'otu rnu ernalu oma Chiokike beru osno kwabitanu aị.

### *A bụ otu nu Karaịsi*

<sup>11</sup> Anụ chenwanya nu mbom anụ ele bụo ele Ju hite nu omumu anụ. Anụ bụ ele ke ele Ju be kparụ nka neeledna anya, nookwu anụ ele be kpáge nka. Okpa nka bụ ke be jiri aka kpa n'anọ-ehni.

<sup>12</sup> N'ige wam, be kewamarnu anụ hne Karaịsi zi, anụ bụo ele Izireli, ke kpayaru, anụ nwée igwe nu mkwna Chiokike kweru o znohia Izireli. Anụ wuru budnu n'owa ka lele ele nwée olile anya, anụ máa Chiokike nu mbom.

<sup>13</sup> Anụ bụ ele be kewamarnu hne Chiokike zi nu mbom, kovu kitna, Chiokike mernu anụ nu Karaịsi ziri n'otu, mee masi anụ va nu ruwhnu a hite n'ovnarna Karaịsi wusiri kwnornu anụ.

<sup>14</sup> Karaịsi mernu udno ziri n'esilawuru ele Ju nu ele bụo ele Ju nga o mernu ele Ju nu ele bụo ele Ju otu badnu. O mernu ka nga o jiri anọ-ehni a kwnadna mkpo irno ke kewamarnu ele Ju nu ele bụo ele Ju.

<sup>15</sup> Karaịsi luluru iwu ele Ju hite n'ẹnwu a ma o gweru ele Ju nụ ele búo Ju ele kweru mee otu badnụ ikne, mee ma udno zịri n'esilawuru be.

<sup>16</sup> Karaịsi mernu ele Ju nụ ele búo ele Ju nụ Chiokike zịri n'udno hite n'ẹnwu ọ nwurnu n'olu ọgba, mee be bụru otu badnụ. Ka gwemernu irno n'esilawuru ele Ju nụ ele búo ele Ju.

<sup>17</sup> Karaịsi varu zni anụ izi ọma udno, anụ ele búo ele Ju nụ aị ele Ju masị.

<sup>18</sup> Hite nụ Karaịsi, kpakara aị nwernu oghere o znekwnusi Chiokike Nda aị hite n'otu Enine.

<sup>19</sup> Kam kpayaru, anụ ele búo ele Ju búma ele izne, kọvu anụ gholam rumu Chiokike nụ ele ezinụ-oro Chiokike.

<sup>20</sup> O wukwasiri anụ lele ọro n'olu ntụ-eli ele izi nụ ele ọwhnurninya, hne Karaịsi Jizọsi n'iwhuru a bụ risi nsukala ọro.

<sup>21</sup> Ya bụ ngalaba jigwu ọro n'otu, ọro wam noosopiya bụru Oro Nso be bítaru nsọ nyee Nyenwe aị.

<sup>22</sup> Be wukotaru anụ n'otu nụ rime Karaịsi, ma anụ bụru Oro Nso hne Enine Chiokike wu.

### 3

#### *Pọlu nye ọrnụ ele búo ele Ju*

<sup>1</sup> Kam kpayaru, mawa Pọlu, m bụ m nye ikelu kwnornu Karaịsi Jizọsi nụ kwnornu risi anụ ele búo ele Ju neekpenu Chiokike.

<sup>2</sup> N'ezi, anụ nurnu nhne gbasiri kpa Chiokike nyernu m ọrnụ o mee anụ ele búo ele Ju mahia oru a.

<sup>3</sup> Chiokike mernu m mahia nhne miri emi ke badnu máa nu mbom, lele kpa me gbaru a n'okwukwo matị nu mbom.

<sup>4</sup> Nga anu gwnuru ka anu jowhnu nu Chiokike mernu m ghohia nhne miri emi gbasiri Karaisi.

<sup>5</sup> N'ige wheru ewhe, Chiokike kpumene ele badnu nhne ka, kovu kitna Enine Chiokike kpumennu a ele izi nu ele owhnurninya ele o hohiaru.

<sup>6</sup> Nhne miri emi wam bu anu ele buo ele Ju ele kweru nu ele Ju ele kweru ghoru otu ano-ehni. Anu joosno masi ele Ju kehia nhne Chiokike kweru be nu mkwna hite nu Karaisi Jizosi kwnornu nu izi oma.

<sup>7</sup> Chiokike nyernu m ernu ke o zni izi oma ka kwnornu ovu oma a. O mernu ka hite nu rikne a noornu ernu nu rime m.

<sup>8</sup> O bu n'ezi nu m kwesile m, kovu Chiokike nyernu m oru a n'esilawuru ele ke a, o zni anu ele buo ele Ju izi oma ke okne nhne gbasiri Karaisi ke ele badnu nwée rikne ghohiali.

<sup>9</sup> O nyee kwno m ernu o mee kpa ele badnu jaamahia kpa o jeeme nhne miri emi ka. Chiokike nye keru kpakara nhne kpusnirni nhne miri emi ka n'anya ele badnu agida ige wheru ewhe.

<sup>10</sup> Echiche a bu ma kpakara rikne ke nechi echi n'oligwe mahia akoniche Chiokike ke hna ezi hite n'ogbako a.

<sup>11</sup> Ka bu nhne Chiokike vu nu mkpoma su o kpuru owa. Kitna, o mezuru a hite nu Karaisi Jizosi Nyenwe ai.

<sup>12</sup> Ai nu Karaisi bu otu, a kweru nu ya, kam kpayaru, a nwernu mkpoma siri rikne o zne nu

ruwhnu Chiokike, énwe ogwnu.

<sup>13</sup> M naari-asno anu, anu bikno kwé rikne gwu anu kwnornu awhnwhnu me naatanu anu, ke jeegweyanu anu igwugwu.

*Karaïsi whnurnu aï n'anya*

<sup>14</sup> Kam kpayaru, me gwu mpnerne ochi kpenu Chiokike Nda,

<sup>15</sup> nye jiri kpakara ezi-nu-oro ke zi n'oligwe nu owa rewhna be.

<sup>16</sup> M noorio Chiokike ma o hite n'ekwnu ke ngozi a, nyee anu iknernema hite n'Enine a ma mkpoma anu si rikne,

<sup>17</sup> ma Karaïsi hite n'okwnata ovu wuru nu rime mkpoma anu, ma anu gba egwnugwnu, gwuzoru chim chim n'owhnun'anya a.

<sup>18</sup> M noorio masi ma anu nu kpakara ele Chiokike mahia owhnun'anya Karaïsi nwernu hne a zi, kpa o hna nu rude, nu ogologo a, nu kpa o hna n'olu, nu omimi a,

<sup>19</sup> ma anu mahia owhnun'anya ka ke kakwo nhne badnu etekne nwernu rikne ghohiali. M noorio ma Chiokike mejihia anu nu kpakara nhne Chiokike bu.

<sup>20</sup> A ja Chiokike, nye nwernu rikne o mee kakwo kpa a nwernu rikne ri o mabu ri hite nu iknernema a ke noornu ernu nu rime ai.

<sup>21</sup> Ngwa ma ai ogbako Chiokike ele o mernu ai nu Karaïsi Jizosi buru otu, ja Chiokike hite n'otu ebiri du n'ebiri berere, owa kwnurnu owa. Amim.

## 4

*A bu otu nu rime Karaïsi*



1 Mawa, nye ikelu kwnornu Nyenwe aị, naariasno anụ, anụ wu bụdnu kwesiri ikwu Chiokike sukuru anụ.

2 Nhne ọbula anụ neeme, anụ gweru ovu hieru ẹli nụ ọzi wọhnerne nụ ndidi naabnanya ibne anụ kwnornu anụ whnurnu ẹhni anụ n'anya.

3 Anụ gbalị ọ bita ọzi n'otu ke Enine hite noowu n'udno n'esilawuru anụ.

4 Ele Chiokike bụ otu anọ-ẹhni, a naharu otu Enine, lele kpa Chiokike sukuru anụ n'otu olile anya.

5 A nwernu otu Nyenwe aị, ọkwnata mkpoma aị bụ otu, ọwuwu mini aị bụ otu.

6 A neekpenu otu Chiokike bụ Nda kpakara badnụ, nye neechi kpakara badnụ, ọ nọornu ẹrnu hite nụ kpakara badnụ, nye zi nụ rime kpakara badnụ.

7 Karaịsi nyernu nye ọbula nụ rime aị rikne ọ rnu ẹrnu lele kpa o kpebiri a.

8 Lele kpa be gbarụ a n'okwukwo nsọ,

“Nga ọ larụ olu,

ọ dọru agida ele irno a n'ọhi, be snornu a n'aznụ,

o nyee ele badnụ nkesi.”

9 Kini bụ n'okwukwo nsọ kwuru nụ ọ larụ n'olu? Ọ bụ nụ Karaịsi beru ọsno hiedna n'ọwa ka.

10 Nye wam hiednarnụ n'ọwa bụ masi nye larụ hne kakwo n'olu n'oligwe, ma o jihia kpakara nhne.

11 Karaịsi bụ nye wam, nye nyernu ele badnụ rikne ọ rnu ẹrnu, mernu agwna badnụ ele izi, ele berere ele ọwhnurninya, ele berere ele naagaghari nọokpo okwo izi ọma, ele berere ele nọoznu atnurnu nụ ele neezni nhne.

12 O mernu ka ma o jiknernu ele Chiokike ma be rnunu a ernalu, ma ogbako Chiokike nooso, gwuzosi rikne,

13 tem a du n'ozu n'otu ke okwnata ovu, nu o mahia Nnwọ Chiokike, ma a buru ele sozuru nu badnu, ele duru nu nhne otutu ke zuru ozu nu rime Karaisi.

14 Ige wam a jobuma rumu takiri. Ele aghigho nu ele nooduwhu ele badnu jéegweru iznizni aghalaghala obula ruwhere noovughari duwhu ai, lele kpa abaka-mini nu ruwhere noovughari ogo n'olu mini.

15 Tnnuma, a gweru owhnun'anya nookwu ezi oka, ma a nooso lele Karaisi Nyenwe ai nu nhne obula.

16 Karaisi neeknekota ele ke a n'otu, lele kpa ruknani jikotaru kpakara nhne zi n'ehni badnu n'otu. O buru nhne obula zi n'ehni noornu ernalu a, kpakara ehni joburu nhne gwuzosiri rikne n'owhnun'anya.

### *Budu ikne nu rime*

#### *Karaisi*

17 Kam kpayaru, m ji m rewhna Nyenwe ai noodo anu aka nu nsni, anu wuma budu lele ele ma Chiokike, hite n'ori oriri ke nwée mbnarna.

18 Ele ka nwée rikne o ghohia nhne gbasiri Chiokike. Be kewamarnu be hne Chiokike zi kwnornu nu be ma Chiokike, be bu ele risi rikne.

19 Iwhnerne o mee nhne buo oma tu be. Be bu ele neeme nhne ojo ke gwnurnu be, ma be neeme nhne so ize n'anya lele kpa o noogwnusi be rikne.

20 Kovu ki buo nhne anu muhiaru gbasiri Karaisi.

21 N'ezi, anu nurnu nhne gbasiri a, be znirni anu ezi oka zi nu Jizosi.

22 Be znirni anụ sịgbasi bụdnu ọknani wam anụ noowu. Badnụ ọknani wam neji kpakara nhne nọogwnu anụ nooduwu anụ, noolulu masị bụdnu anụ.

23 Kịtna, anụ gharụ Chiokike ma ọ gbanwo echiche anụ.

24 Anụ wuru bụdnu ikne ke Chiokike nyernu anụ, ma anụ bụru ele ke Chiokike, ele mee mma, ele zị masị nsọ n'ezi.

25 Kam kpayarụ, anụ gháma aghalaghala, nye ọbula kwunu ibne a ezi ọka, kwnornu nụ a nụ lele nhne zị n'otu ẹhni.

26 Ọ bụru nụ ovu we anụ ẹhni, anụ mékọ mmehie, anụ kwékọ ovu owe ẹhni anụ daziri tem ẹnam dna.

27 Anụ nyékọ Ekwensu oghere nụ bụdnu anụ ọ rnawhu anụ.

28 Nye buznu znúma buznu, o gweru aka a rnụ ẹrnu kwesiri ma o yinu ele zị nụ mkpa aka.

29 Anụ kwé ọka búo ọma hi n'ọnu anụ whụya, kọvu anụ kwu ọka bụru ọma ke jeeme badnụ gwuzosi rikne n'ọkwnata mkpọma a. Ige ọbula, anụ kwu nhne bụru ọma nụ nsnị ele badnụ ma be wulizọ be olu lele ọro.

30 Anụ mée Enine Nsọ Chiokike ovu owe ẹhni, bụ ke Chiokike jiri hñiasị anụ iri nụ anụ bụ ke a tem dū n'ige anụ jeenwernukwo ẹhni anụ.

31 Anụ gweme kpakara mkpọma nlulu, nụ ọnuma, nụ ovu owe ẹhni, ya nụ ọlu ọgwnu nụ ọkaja nụ irno mkpọma.

32 Kọvu anụ nwe ovu ọma, whnụ ibne anụ n'anya, naagbarụnu ibne anụ lele kpa Chiokike gbarụnu anụ kwnornu Karaịsi.

## 5

<sup>1</sup> Lele rụmu Chiokike whnụrnu n'anya, anụ wu bụdnu lele Chiokike.

<sup>2</sup> Anụ wuru bụdnu ọwhnun'anya, lele kpa Karaịsi whnụrnu aị n'anya, gweru bụdnu a kwanụ Chiokike ariọhna ke nwernu ẹknarna ọma kwnornu aị.

<sup>3</sup> Anụ kwé be whnụ ewhere, mọbu nhne zịla rịchna, mọbu anya-kwu n'esilawuru anụ. Nhne ele ka kwésile ele Chiokike zị nsọ.

<sup>4</sup> Anụ kwú ọka tị iwħnerne, mọbu ọka iwħ-nirniwhno, mọbu ọka bnána nụ nhne, ke kwésile, tñnuma, anụ tñnu Chiokike mmamma.

<sup>5</sup> Kwnornu nụ anụ magwụ nụ ọ zá nye naagba ewhere, mọbu nye zịla rịchna, mọbu nye anya-kwu, ke nụ lele ọkwa rẹnwu, nwernu igwe nụ nhne ọma ke ẹli-eze Karaịsi nụ Chiokike.

<sup>6</sup> Anụ kwéko badnụ ọbula gweru ọka etekne rnawhu anụ. Chiokike jaata ele zá noobnonu a nsnị awhnụwhnu kwnornu nụ nhne nụ kpa.

<sup>7</sup> Kam kpayarụ, anụ nụ ele nụ kpa méko nhne.

<sup>8</sup> Anụ zị n'ọchichiri nụ mbom, kọvu kịta anụ bnarnụ n'iwhne Nyenwe aị, anụ wu bụdnu kwesiri ele zị n'iwhne.

<sup>9</sup> Ele zị n'iwhne naamị mkpuru ọma ke ovu ọma, ome mma nụ ezi ọka.

<sup>10</sup> Anụ piohịa, neeme masị nhne jaakpasu Nyenwe aị ovu ọso n'ọnu.

<sup>11</sup> Anụ snó ẹrnu ọchichiri ke nwernu mkpuru bnáge nụ nhne keko nhne, kọvu anụ bigbo be, ma nhne ojo be mernu whụya iwħne.

<sup>12</sup> Kwnornu nụ ọ nootu iwħnerne o kwu nhne ele zá noobnonu Chiokike nsnị neeme nụ mgwụgwa.

13 Kọvu iw hne jeeme kpakara nhne whụya iw hne.

14 Kwnornu nhne ọbula ke iw hne kpumernu bụma nhne zị nụ mgwụgwa. Kam kpayarụ, be karụ,

“Tnenya, jị nye neezni anyarna,  
jị nye nụ lele nye nwụrnu ọnwu, lizo,  
Karaịsi jọomukwasi i iw hne a.”

15 Anya dū anụ ẹli kpa anụ noowu bụdnu anụ. Anụ wú bụdnu lele ele iw hnrniwhno, kọvu lele ele nwernu akọniche.

16 Anụ gweru oghere ọbula anụ nwernu rñ ẹrnu ọma, kwnornu nụ ele badnụ nọornu ẹrnu ọjo k'agida n'ige ka.

17 Anụ bụo ele iw hnrniwhno, tñnuma, anụ yisi ẹhni piohia, neeme masi nhne Nyenwe aị pioru.

18 Anụ nwọ manya ke naabna n'anya, ke joolulu bụdnu anụ. Tñnuma, anụ gharụ Enine Chiokike ma o mejihia ovu anụ.

19 Anụ gweru eri ọma, eri ọznarni nụ eri mkpọma ọso n'ọnu kanụ ibne anụ ọka, gweru kpakara mkpọma anụ gwnụnu Nyenwe aị eri,

20 nọotunu Chiokike bụ Nda mmamma ige ọbula kwnornu kpakara nhne nụ rẹwhna Nyenwe aị Jizọsi Karaịsi.

21 Ele Chiokike bīta ẹhni be nụ mkpururu ibne anụ kwnornu nụ anụ nọsobisinu Nyenwe aị Karaịsi.

### *Nzi nụ nnwerne*

22 Ele bụ nnwerne anụ bīta ẹhni anụ nụ mkpururu nzi anụ lele nụ anụ bītaru ẹhni anụ nụ mkpururu Nyenwe aị.

23 Kwnornu nụ nzi bụ risi nnwerne lele kpa Karaịsi bụ risi ọgbako Chiokike. Ọgbako Chiokike nụ lele anọ-ẹhni Karaịsi. Karaịsi bụ Nye Ọznohia ọgbako a.

24 Lele kpa ọgbako Chiokike zị nụ mkpururu Karaịsi, kpam masị, nnwerne ọbula b́ta ẹhni a nụ mkpururu nzi a nụ kpakara nhne.

25 Ele bụ nzi, anụ whnụ nnwerne anụ n'anya lele kpa Karaịsi whnụrnu ọgbako a n'anya nwụ kwnornu a,

26 ma o mee a ọ ziri nsọ, o gweruru ikwu-ọnu Chiokike nụ mini snụ a, mee a, ọ ziri rịchna.

27 Karaịsi mernu ka ma o chetenu ọgbako wam n'ẹhni a, lele nhne zị igwugwu, nwée rune, mọbu ruwhnu dọliri ọdili, mọbu nhne ojo berere, tnụnuma, ọgbako ke zị nsọ, ke nwée ọtna.

28 Kpam masị, nzi kwesiri ọ whnụ nnwerne a n'anya lele kpa ọ whnụrnu ẹhni a. Nye ọbula ke whnụrnu nnwerne a n'anya whnụrnu ẹhni a n'anya.

29 Ọ zá badnụ ọbula ke snornu ẹhni a irno, kọvu o nọoznu, neelekwa ẹhni a anya nkari. Ọ bụ masị kpa Karaịsi neelekwa ọgbako Chiokike,

30 a bụ nhne zị n'ẹhni Karaịsi.

31 Kam kpayarụ, nyerukna jaagharụ nda a nụ nne a, takwnụsi n'ẹhni nnwerne a, be lawuru ghọ otu badnụ.

32 Ka bụ nhne miri emi k'agida, kọvu m nookwu gbasiri Karaịsi nụ ọgbako Chiokike.

33 Nyerukna ọbula n'esilawuru anụ, whnụ nụ o whnụrnu nnwerne a n'anya lele kpa ọ whnụrnu ẹhni a, nnwerne masị, whnụ nụ ọ nọoso nzi a anya.

## 6

### *Rumu takiri nọ ele mọrnu be*

<sup>1</sup> Rumu takiri, anọ noobnonu ele mọrnu anọ nsni lele kpa Nyenwe aị piuru, kwnornu nọ ọ bọru ọma o mee kпам.

<sup>2</sup> Lele kpa be gbaru a n'okwukwo nsọ, “Sobisinu nda i nọ nne i.” Ke bu nhne mbom ke Chiokike nyernu n'iwu ke nwernu mkwna.

<sup>3</sup> I mee kпам, nhne jaagakwanu i nkari, ma i ziri budnu ogologo n'owa.

<sup>4</sup> Ele bu nda, anọ mee nhne jaakpasu rumu anọ ovu owe ehi. Tnụnuma, anọ gweru ikwu-onu Chiokike nọoznu, neezni be.

### *Ele ohi nọ ele nwe be*

<sup>5</sup> Ele ohi, anọ noobnonu ele nwe anọ nsni, anọ sọ be anya, nọtu ogwnu be. Anọ gweru mkpoma anọ neeme a lele anọ neemenu a Karaisi.

<sup>6</sup> Anọ bnonu be nsni, ọ buo ke anya nọowhnu kpọi lele ele neeme nhne naamasị badnu, kovu noobnonu be nsni lele ele ohi Karaisi, ele neeme nhne Chiokike piuru hite nọ mkpoma anọ.

<sup>7</sup> Anọ gweru ovu ọma nọornu ẹrnu lele nọ anọ bu ohi Nyenwe aị, buo ke badnu.

<sup>8</sup> Kwnornu nọ anọ magwu nọ Nyenwe aị jọkwu nye obula ogwo ẹrnu ọma a, ma ohi mọbu nye buo ohi.

<sup>9</sup> Kпам masi, anọ ele nwe ohi, anọ mee masi ele ohi anọ kпам. Anọ kpasi be ogwnu, hne anọ mahiaru nọ Nyenwe anọ nọ be zi n'oligwe. O za neele badnu anya nọ ruwhnu.

### *Mgwna ogwnu Chiokike*

10 Ka bụ ọka ipne-aznụ m, anụ gbasị rikne nụ Nyenwe aị nụ okne iknernema ke a.

11 Anụ woru kpakara mgwna ọgwnu Chiokike nyernu anụ, ma anụ nwernu rikne o gwuzogidne kpakara nhne ke Ekwensu neeziya.

12 Kwnornu nụ a zá nọolu ọgwnu megidne ele badnụ etekne. Kọvu a nọolu ọgwnu megidne kpakara ele ọchichi, megidne kpakara rikne, megidne kpakara ele nwe ọwa ke ọchichiri ka, megidne ele renwu ojo ke zị n'olu.

13 Kam kpayarụ, anụ woru kpakara mgwna ọgwnu Chiokike nyernu anụ ma anụ nwernu rikne o gwuzo n'ọbochi ojo, nga anụ mezuru kpakara nhne, o gwuzoru chīm chīm.

14 Anụ jiknernu ọ lụ ọgwnu, anụ suru ezi ọka n'ikwnu anụ ke nụ lele ajnị. Anụ woru ome mma ke nụ lele mbno nụ mkpọma anụ.

15 Anụ gweru masị ojiknernu ọ kpọ okwo izi ọma ke udno woru n'ọchi lele okoro-ọchi.

16 Tụkwasi n'olu ka, anụ gweru ọkwnata mkpọma nụ Chiokike ke nụ lele ekpeke anụ jeeji mesni kpakara mkpakwụ bẹkwnu ke Ekwensu naagba megidne anụ.

17 Anụ kpuru ọznohia nụ risi anụ ke nụ lele okpu-ọgwnu. Anụ gweru ama-ọgwnu ke Enine neenye, ama-ọgwnu wam bụ ikwu-ọnu Chiokike.

18 Anụ neekpe okpukpe lele kpa Enine noodu anụ ige ọbula n'ọnodi ọbula. Anụ neese nse kpa anụ neekpe okpukpe, anụ gwuzosi rikne kpa anụ neekpenu kpakara ele Chiokike okpukpe.

19 Anụ neekpenu m okpukpe masị ma Chiokike nyee m ikwu-ọnu ke me kwesiri o kwu ige ọbula me



kpumernu ọnu m, ma m gweru ọnu rikne mee ele badnụ mahia nhne miri emi ke izi ọma,

<sup>20</sup> ke me bụ nye izi a n'oro ikelu. Anụ kpenu m okpukpe ma m kpọ m okwo izi ọma ẹnwe ogwnu lele kpa me kwesiri.

*Obekwu ikwu ipne-aznu*

<sup>21</sup> Taīkikosi bụ nnwọ nda aị a whnurnu n'anya nye be kwesiri ọ kwnata mkpoma n'ernu Nyenwe aị jaakanụ anụ kpakara nhne gbasiri m, ma anụ mahia kpa me nụ, nụ nhne me neeme.

<sup>22</sup> Ka bụ nhne me kwno neeziyanu anụ ya, ma anụ mahia kpa a nụ, ma ọ kasi anụ mkpoma.

<sup>23</sup> Udno ke Chiokike Nda aị nụ Nyenwe aị Jizosi Karaịsi dazinu ele kweru nụ Karaịsi, o mee anụ whnụ ibne anụ n'anya kpa anụ naakwnata mkpoma nụ Karaịsi.

<sup>24</sup> Oru ke Chiokike dazinu kpakara ele whnurnu Nyenwe aị Jizosi Karaịsi n'anya n'ezi.

## **Tesitamenti Ikne n'O<sub>nu</sub> Ikwere** **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwere - (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

### **Copyright Information**

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

### **The New Testament**

in Ikwere

© 2010, The Nigeria Bible Translation Trust.  
**All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files dated 29 Jan 2022

c17ee3a1-1c7a-5c05-8e0f-5043e8228d89